

928

1

2

後村先生大全集

二



Faint, illegible text in seal script, possibly bleed-through from the reverse side of the page. The text is arranged in vertical columns within a grid.

後村先生大全集卷之五

詩

和方孚若瀑上種梅五首

仙翁小試春風手高拂茅簷接映窓
選勝多依巖罅種愛竒或併樹身扛海山
大士寒蒙初月殿仙姝夜擁幢商略此
花宜茗飲不消銀燭綵纏缸

二

天賜梅花為受用續紛玉雪被層砒
素芳林下起羣品繁蕊枝頭巧疊雙
龐月照時霜剪剪澗風吹處水淙淙
主人筆力迴元化催發何須杖鼓腔



三
瀑映梅花何所似，蚌胎蟾彩浴寒江。
夢回東閣頻牽興，吟到西湖始豎降。
雪屋戀香開紙帳，月窓憐影掩書缸。
若將漢晉聞人比，不是淵明即老龐。

四
百匝千回看不足，管他急雪濺奔瀧。
瑶林錯立明梁苑，寶璐橫陳照楚邦。
愛殺嚼芳仍嗅蕊，蓋吟狂哆口更踈。
龐曉來翠羽驚飛去，應為烟鐘樹杪撞。

五
欲賦梅花村藻盡，公分生意到枯椿。
鉅題昔只韓聯

孟妙手今惟尋愈逢，守穀尚煩看杏虎。
護花難少吠籬龐，丹崖翠壁宜揮掃。
只要游人筆似杠。

再和五首

先生多在山中宿，為愛橫斜影上窓。
茁髮僧從深澗徙，頰肩奴過別峰扛。
和羹宰相調金鼎，止渴將軍擁碧幢。
空谷不知如許事，沽來村酒且開缸。

二

厭看花開平地上，故攀絕磴履危砭。
節方靜女尤專一，韻比高人更少雙。
堪伴愚公居北谷，宜偕漫叟隱南涼。
素標尚恐詩輕媒，敢犯人間曲子腔。

三

手選千株高下種似行庾嶺泛湘江只銷一朶南枝
拆盡受群花北面降自愛空山吹縞袂絕羞華屋照
銀缸主林神禁人殘毀深夜應無斫樹龐

四

絕巔歲晚無人到但見山風激嶺麗高蔕恍如珠照
乘深葩還似寶迷邦巢居公未甘枯槁曷實朝方起
碩龐詩在簡齋和靖裏追攀真以寸莛撞

五

杖履暇時常檢點細分枝榦數株樁試呼童子調霜

弄絕勝奴兵播曉逢色映巖松寒引鶴根連園杞夜
聞龐社中作者銛鋒穎甘樹降幡走短杠

賦西涼瀑布得斷字

蒼山七百畝主人新買斷于時積霧開素瀑掛青漢
泠泠瑟初鏗璀璨珠乍貫久晴雨瓢翻忽暖冰柱泮
恍如白浪湧翔舞下鳧雁又疑黃河決滎祭沈玉瓊
不然蟒出穴或是虹吸澗客言下有潭龍伏不可玩
攫擎起雲氣噴薄蘇歲早平生愛竒心欲此築飛觀
沿流踏淺清陟嶽騰汗漫低頭拜主人分我華山半

送陳寺丞守延平

行村先生集
則研堂
詔免延英對輕裝見吏民極知忙
據早豈是急頒春
邑為搜空壞州因獻羨
貧此行休戚繫未敢賀朱輪
送丁元暉知南海

不用急符催先行要看梅
歲時親祭海休沐必登臺
鮑井聊供飲韓碑待拭苔
遙知蠻俗喜令尹帶琴來
黃巖道中匡居者

種竹成林橘滿園
牛歸童子掩籬門
主人雖不知名氏
想見孤高可與言

橫塘

水松百本映門栽
池上荷花似錦開
記取橫塘風景

好歸程暮入小詩來

蒜溪

日燦千山草樹然
海鄉極目少炊烟
蒜溪一脉涓涓
水只綠西庵數丈田

哭囊山覺初長老

豈謂茶毘速龕前一愴
情空留尊宿貌難問
小師名骨已迎歸塔衣
多唱入城百年如此過
何異不曾生

又

雪峯寺裏曾相識
面皺額高五十餘
削髮入山參最久
白頭出世瘦如初
覺心不共真身壞
遺偈猶能戰

手書何必塔銘并語錄吾詩自可表幽墟

贈蕭高士

玉笥蕭高士超然物外姿能彈廣陵操會作豫章詩
紫府非無分丹房未有基西山多隱者何必遠求師

挽李端

要識君操履全如字畫真病能妨獻賦窮不廢修身
月旦推先輩春官失此人如聞埋玉速里巷共酸辛

海口

暫游不得久婆婆奈此龍江景物何天勢去隨帆際
盡海聲來傍枕邊多昏寔微見燈明嶼霽閣遙看日

浴波定有後人尋舊迹已留小篆識山阿

二

島烟常至晏方開沙際參差辨遠稅風挾寒聲從樹
起潮分末勢過橋來吏人不禁山排闥客子思傾海
入杯歸憶斯游今冷淡如嘗橄欖味初迴

三

人烟窮處屋三間目斷寒雲接淺山石塔有風鈴自
語水亭無稅印常閑沙晴火伏如棋布浪急漁舟似
箭還自古詩從登覽得莫辭絕頂共追攀

黃蘗寺一首

猶記垂髫到此山重游客鬢已凋殘寺經水後增輪
奩僧比年時減鉢單絕壑雲興潭影黑疎林霜下葉
聲乾平生酷嗜朱翁字細看荒碑倚石欄

和西外趙知宗

斤妙斷如神源深汲愈新岱宗疑有址海若忽無津
傳遠須公等鑽堅盡此身平生師友意非為雨中巾

悼秦鑿

最曉陰陽證於身獨不靈有妻持舊肆無子學遺經
蟲蝕抄方篋莎生曬藥庭城中鑿絕少堪惜爾凋零
十月二十二日夜同方寺丞宿瀑庵讀劉賓

客集

瀑山木落霜寒夜共請吾家夢得詩坐對遺編忘漏
盡手遮殘燭怕風吹森嚴似聽元戎令機警如看國
手棋千載愚溪相對壘未應地下友微之

戍婦詞

織錦為書寄雁飛功名從古恨無機良人白首沙場
裏何日封侯建節歸

二

昨日人迴問塞垣陣前多有未招魂營司不許分明
哭寒月家家照淚痕

三

九月嚴霜塞下飛連營回首望寒衣將軍縱上移屯
奏無奈公卿半是非

游水南一首

九馬如飛不用鞭微塵一道起晴川有司誤謗為山
賊好事訛傳是地仙何處名樓風月爽誰家修竹主
人賢橐詩三百高無價難向旗亭當酒錢

哭陳鑰主簿

不但心孤介生形亦恠竒在為官長罵沒使邑人思
魂遠鄉猶隔名微世未知空存朋友誼到此力何施

傳諫議和予所贈傅監倉詩復用前韵一首

諫草如山不論兵當年出處最分明中朝安可無耆
舊故事猶應問老更敢有鳳毛評句法素知牛耳執
文盟詩壇亦合先生築遥望偏師已拔營

宿別瀑上二首

十里荒荆手自開屐痕歷歷在青苔山中猿鳥愁予
去爭問先生幾日回

其二

兩日相疏鄙吝生今當遠別若為情夜窓看到千峯
黑枕上猶貪落澗聲

初宿囊山和方雲臺韻

客游萬里踐霜冰旦旦披衣坐待明累黍功名成未
易跳丸歲月去堪驚即今紙被携尋宿當日油幢聽
報更賴有雲臺公好事追程未送老門生

白鹿寺

歲晚霜林葉落凋携家來作廬門游偈言恍似前生
說詩藁猶煩侍者收身上征衫拋未得山中靈藥採
無由十年不獨行人老入定高僧白盡頭

謂長老供公

答婦兄林公遇四首

霜下石橋滑蛩吟茅店清夢迴殘月在錯認是天明

其二

恨余行李速愧子酒杯長日暮于誰屋天寒步被岡

其三

自笑如窮鬼相從不記年每煩書餞送不止辦車船

其四

挹君如玉雪未易得親踈何日深山裏同燈共讀書

登枕峯

蒼頭奉辟書嚴裝犯肅辰豈不謀出處歲儉水菽貧
曛黑投山中明發趨江濱漁父隱者歟葉舟方岳緡
相逢飄然游似笑來往頻白鷗我同盟青山吾故人

即之與欲言邈若不可親昔迎歸軒喜今見行橐嘆
素願悵未諧抱慙終此身先賢遠志喻千載猶如新

嵩溪驛

舟子初辭去風吹薄酒醒一莖新鬢白數點晚山青
潦倒彈長鈇荒涼宿短亭鄰雞空嗷嗷不似昔年聽

環翠閣

閣上有言
和二陸詩

大陸題詩小陸和寶鞍畫戟傳呼過兩片頑碑未百
年已有牧兒來打破

崇化麻沙道中

經行愛此人烟好面俯清溪背負山半艇何妨呼渡

去小橋不礙負薪還遠聞清磬來林杪忽有朱欄出
竹間此處安知無隱者卜鄰容我設柴關

過劉尚書墓

士林方卜道窮通一旦駟鯨萬事空帷下有人師董
相墓傍無客哭喬公白頭稍得談經力青簡尤高絕
幣功尚記長衣橫塵柄今看華表立西風

謝墳

一月山行未有梅曉來戲着小詩催謝家墳寺更衣
處初見牆西半樹開

大乾記夢

辛酉年夢
子方十三

昔夢游湘水琴書寄葉舟安知三十載真作夢中游

館頭去撫州四十里

雨露蕭蕭驛埃長不堪流潦入車箱撫州城外黃泥路即是人間小太行

發臨川

始予卅角來家君縮銅墨縣齋多休暇縣圃足戲劇雖云嗜梨栗亦頗窺簡冊弟妹俱孩幼親髮方如漆後子捧檄至軒蓋候廣陌於時志氣銳門戶况烜赫郡花照席紅湖柳拂鞍碧耆老互問訊酒餼紛狼籍今予挑包過城郭宛如昔高年凋落盡滿眼少明識

管子仕瘴烟屈吏掩泉少華門訪舊師日閣面董黑買醪與之酌往事話歷歷既生異縣感遂起故鄉憶吾翁墓艸深高堂已斑白貧居終髓空遠游温清隔二季官海濱女子各有適曾不如阿奴碌碌在母側回思盛壯時去矣難復得因成臨川吟吟罷淚橫臆曾景建自臨川送予至豐城示詩為別次韻

一首

追程送我劍池邊疊疊清談晉宋前豈意白頭趨幕日迺逢紫氣出闕年夜深續炬俱忘寢地冷吹薪久未然臨別祝君加帽絮高峯雪後尚童顛

自撫至袁連日雨霰風雪一首

窮臘天地閉雲氣匝野垂何況袁撫間積潦盈路歧
寸晷拔寸步一埃費一時忽跌落深淖有侶鳥着糲
寒日已西匿游子方南馳孤店渺烟祭僮馬飢以羸
霏霏雪沒辭惜惜風裂肌古人貴遺體不肯臨深危
兒行風雪中慈母安得知絡當投綬去重補南陔詩

安仁驛

偶向西邊洗客塵數株如玉照青蘋淒風冷雨分宜
縣賴有梅花管領人

萍鄉

聞說萍鄉縣家家有網機荒年絲價貴未敢諫寒衣

牛田鋪大雪萍鄉地內

暝色蟠空起倏颺激地吹漸看雲布護稍有霏紛披
菽菽初飄瓦輕輕已點墀居人朝未覺客子夜先知
巧似莊嚴就白如剪刻為充庭冰氏喜編戶染人疑
灑密苔絨遍擎多樹壓垂高峰迷頂踵遠渡失津涯
窘兔低躡草僅禽默墮枝馬難分牝牡鳥不辨雄雌
倏忽斜還整冥濛合又離半埋官路埃亂打寺廊碑
猛勢欺袍絮寒花照髮絲店荒敲盡閉橋滑步尤危
破釜羹菜殘爐燎濕萁廢粒憐婦怯露軒笑兒痴

乍起毛皆蝟深藏手亦龜犬驚鄰吠急雞噪野鳴遊
偏滯南轅路翻思北戍時旌旗明雁塞刁斗亂鵝池
呵筆堪飛檄收燈可覆棋暮營蒙虎卧曉獵臂鷹隨
浴鉄成何事披蓑自一奇空山吟忍凍窮巷齧充飢
授簡悲才退烘衣感氣衰稍欣茅瘴薄已覺麥畦滋
病怕春茶冷愁嫌市酒醜帶間三十韻聊補昔人遺

醴陵客店

縣郭依稀隔渡頭解鞍來倚店家樓已攀桂樹吟招
隱因看梅花賦遠遊市上但音多楚語橋邊碧色是
湘流直南鄉國三千里日斷羈鴻起暮愁

湘潭道中即事

敗絮龍鍾擁病身十分寒事在湘濱若非野店黏官
曆不記今朝是立春

二

灘鼓鼙鼙匝廟門可憐楚俗至今存屈原章句無人
誦別有山歌侑桂尊

謁南嶽

中原昔分裂五嶽僅存一嗟余生東南有眼乃未覩
清晨犯寒慄馬止青厓厓怪雲何處來對面失齒峯
午投勝業寺僧訝余不憚若餘因獻嘲君定非韓匹

彼來既軒露君至若封鐫余謂僧無躁茲可以理詰
止僧坐悅亭靈翳忽冰釋石廩先呈身响嚶俄見脊
須臾天柱開最後祝融出高峰七十二固已得彷彿
鄴侯何嘗死懶殘元非寂恍疑在山中明當往尋覓
咄哉三尺雪孤此一雙屐駕言歎靈瑣樓堞晃丹赤
栢深不見人畫妙如新筆珠瓏干停停彈棋拊瑤瑟
茫茫鬼神事荒幻難究悉吾師太史公江淮徧浪迹
茲馬又浮湘汗漫恣遊陟雖然乏毫端亦頗增目力
規模五字體蟠屈萬丈碧詩成投楮中何必題廟壁

勝業寺

寺創於何代問僧皆不知
羸牙夏后栢殘缺柳侵碑
雪過禪堂冷冰餘嶽路危
上封猶未到太息自心期

發嶽寺

嶽下無耆老何從訪
葛聞不知紫巖墓更隔幾重雲

二

明仲竄蠻烟欽夫棄盛年
空令後死者有淚滴遺編

三

昔者監香火今馬裂芰荷
祝融應冷笑還肯再來麼

湘江一首六言

屈賈死將千載劉君來泛湘江
沽酒偶留村店看山

不掩船窓

烟竹鋪

離衡州北五里

野迥村疎起暮寒
偶逢廢驛却征鞍
主人家比漁舟小
客子房如鶴柵寬
燈與鄰通眠未易
風從壁入避尤難
似聞南去加蕭索
一夜披衣坐不安

衡永道中

一舍常分作兩程
雪鞭雨袖少逢晴
平生不識終南道
還來傍湖南堠子行

二

過了衡陽雁北迴
鄉書迢遞託誰哉
歎山石鼓皆辭

去惟有湘江作伴來

黃巖嶺

黃茅迷遠近不見
一人行信步未知
險迴頭方可驚
路由高頂過雪在
半腰生落日無栖
止飄飄自問程

祁陽縣

入境少人烟
寒江碧際天
小留因買石
久立待呼船
笛起漁汀上
鷗飛縣郭前
若無州帖至
令尹即神仙

零陵

畫圖曾識零陵郡
今日方知畫未如
城郭恰臨瀟水
上山川猶是柳
侯餘驛亭幽絕
堪垂釣
岩室虛明可

讀書欲買舟溪三畝地手苦茅棟徑移居

深溪驛去廣右界一程

苔滿朱扉半闔開更無人跡獨徘徊湘江臨別如相語早買扁舟出嶺來

全州

寂寞全州路家家菽作扉異僧留塔在過客入城稀傳舍臨清泚官亭占翠微沙頭泊船者多自嶺南歸

炎關亦名巖關

關北關南氣候分雪飛不過古來云若非曾發看山願老大何因入瘴雲

秦城

缺甃殘堞無處尋當年築此慮尤深君王自向沙邱死何必區區戍桂林

未至桂州葉潛仲以詩相迎次韻一首

柘岡西路別君時幾見天涯柳弄絲橫草壯心空抗慨覆蕉殘夢懶尋思羞將白髮趨新府却憶青山領舊祠猶有南來奇特事馬頭先得故人詩

游水東諸河次同游韻

桂山前來到今日是初游招鶴登青巘呼龍俯碧湫深蹊通秉炬小竇劣容舟豈敢輕題句同官盡柳劉

二

舊聞巖洞勝欲往自髫年
峯秀過靈隱幽深似善權
遠環州堞外近獻屋簷邊
僅有登臨約甘為子執鞭

春日

眼前桃李過匆匆鏡裏衰顏豈再紅
久覺胃寒疎建焙新因血熱戒耶筒

二

步入西峰不見人數聲
澗鳥自啼春下山欲與唐碑
語先遣奴兵細拂塵

三

歸到城門欲發更馬頭
惟有暮鴉迎小窠了却觀書
課幾首殘詩旋補成

四

老懶何心更出嬉
閉門終日讀陶詩
湘南二月花如掃
恰似扶疎遶屋時

五

曉風細細雨斜斜
傷倦書生屋角花
想見水南僧寺裏
一株落盡病山茶

訾家洲

來訪唐時事荒洲暮靄青
遍生新草棘難認舊池亭

毀記欺無主存祠怕有靈今人輕古迹此地少曾經
二

裴柳英靈渺莽中鶴歸應不記遼東遺基只有蛩鳴
雨往事全如鳥印空溪水無情流瀟湘海山依舊碧
叢叢斷碑莫恠千迴讀今代何人筆力同

舜廟

越俗安知帝遺祠亦至今青山人寂寂朱戶柏森森
雨打荒碑缺苔封古祠深曾聞張侍講來此想韶音
得家訊一首

不覺離鄉久南來驛使疎羈臣一掬淚慈母兩行書

租稅聞輸畢田園說歉餘何時真官達處處奉潘與

湘南樓

偶陪群彦賦登樓一笑聊寬故國愁近郭山來晴檻
裏侍船人立晚沙頭春天晴雨常多變晦日文書得
小休尚有殘錢沽老酒落花時節約重遊

殘錢老酒皆
桂州方言

上已與二客遊水月洞分韻得事字

勝踐造物慳貧交世情棄昔戒十客來旦無一人至
惟余暨兩君鼎足坐水次歡言天氣佳誰謂風土異
高吟雜騷選序酌逮髻髹滌崖去惡詩捫石認缺字
古來幾禊飲傳者纔一二蘭亭感慨多未了死生事

杜陵更酸辛窮眼眩珠翠旨哉茲日遊超然遺塵累
消搖千載後尚有浴沂意嵩扉滑如玉歲月可鑄識

出城

日日銅瓶插教枝瓶空頗訝插來稀出城忽見櫻桃
熟始信無花可買歸

二

小憇城西賣酒家綠陰深處有啼鴉主人歎息客來
晚謝却餘釀一架花

三月十四日陪帥初出遊一首

未出堯山雲既出雲徐開君侯與天通造化力可回

駕言訪嵩扉群彥森然陪旗幟映川原始吹喧蒿萊掃石坐
夷曠^欄芻窺崔嵬若洲久蕪沒草樹皆新培范張數君子
遺刻蒼蘚埋方羊不忍去返照明千崖沙禽就栖宿
綵鷁猶汙洄春馬宇宙間此樂何常哉鄴都會應劉
梁園命鄒枚主公富貴人襍抱尤雄瑰當年篇翰存
徃徃鄰俳諧英英大都督羔雁招遺才雲烟生妙筆
冰雪懸靈臺况復是夕霽素魄海上來一碧九萬里
空洞無纖埃臨風惜飲量孤負黃金壘座中盡文豪
授簡奚徘徊吾詩固拙速聊為石生媒

武岡葉使君寄詩次韻

祠客紛紛載後車誰能遠記病相如雙旌已拜湖南
牧尺素猶題嶺外書詩句騎驢游蜀後情懷賦鵬吊
湘餘侶聞闔群春風暖便擬移家占籍居

二

北戍逢君歲建寅豈知今作落南人瘴來客病鄰山
鬼舶去卿書託海神目送飛鳶偏戀土夢隨畫隼共
行春謝家兄弟如雙壁交契寧非有宿因

移居

庭下薔薇樹花開玉雪毳主人明日去相對倍含愁
舊居有
白薔薇

二

隣曲無還往何由有別情惟應小窗月長記讀書聲
吊錦鷄一首兼呈葉任道

炎州產文鷄毛羽固天稟朱丹飾尾距綵繡錯衿衽
主人極珍憐禽合分俸廩置諸後園中小奴司啄飲
地荒籠柵疎客見輒危慄點裡出沒精豪鼠窺伺稔
諒乘彼饒涎或矚君高枕駭機中夕發果以斃來詔
裂冠首立碎齧嗉聲已噤酷哉三尺喙殘此一段錦長
嗟命瘞埋詎忍付烹飪始為文采累終欠智慮審老
瞞我孔公千載憤凜凜黃祖殺處士嚴暴犯流品况

茲毒驚物尤索防閑甚善視雙翠衣夜涼勿嗜寢
哭孫行之

已了燈窓債心知舉業非立朝多諫草取友必深衣
盛衰貧時共書筒貴後稀病身偏惜淚一為故人揮

二

世上高科衆君尤自貴珍如何一夕裏忽盡百年身
雙旄齊眉友孤燈擁髻人傷心惟孟母頭白送歸閨

即事

嶠南氣候異中州多病誰令作遠遊瘴土不因梅亦
濕颼風能變夏為秋方眠壞絮俄敷篔已着輕緇又

索裘自歎幻身非鐵石天涯豈得久淹留

楮樹

楮樹婆娑覆小齋更無日影午窓開一端能敗幽人
意夜夜墻西礙月來

象奕一首呈葉潛仲

小藝無難精上智有未解君看橘中戲妙不出局外
屹然兩國立限以大河界連營稟中權四壁設堅械
三十二子者一一具變態先登如挑敵分布如備塞
盡銳賈吾勇持重伺彼怠或遲如圍宮或速如入蔡
遠砲勿虛發冗卒要精汰負非繇寡少勝豈繫疆大

昆陽以象奔陳濤以車敗匹馬郭令來一士汲黯在
獻俘將策勛得雋象稱快我欲築壇場孰可建旗蓋
葉侯天機深臨陳識面背縱未及國手其高亦無對
扭捷敢饒先諱輸每索再寧為握節死安肯屈膝拜
有時橫槊吟句法尤雄邁愚慮僅一得君才迺十倍
霸圖務并弱兵志貴攻昧雖然屢剋獲詎可自侈快
呂蒙能識羽衛瑾足縛艾南師未宜輕夜半防斫寨

送陶仁父

自古送行情味惡君行快似泛仙槎新班人少先投
卷下水船輕易到家南浦不堪看草色西湖尚可及

荷花諸公若問栖栖者為說吟詩兩鬢華

書壁

練衣蒲屨小綸巾四壁清風一榻塵誰謂先生貧到
骨百金新聘竹夫人

栽竹

借居未定先栽竹為愛疎聲與薄陰一日暫無能鄙
吝數竿雖少亦蕭森窓間對了添詩興郭外移來費
俸金自笑明年在何處虛簷風至且披襟

後村先生大全集卷第五

棲霞洞

往聞耆老言茲洞深無際閻中或識路塵外別有世
幾思絕人事齋糧窮所詣棋終出易迷炬絕入難繼
孤亭渺雲端於焉小休憩憑高眺城闕擾擾如聚蚋
盡捐穢滓念遂有飛舉勢山靈媚清遊雨意未極銳
濛濛濕莎草浥浥涼松桂暝色不可留悵望崖扉閉

堯廟

帝與天同大天存帝亦存桑麻通絕徼簫鼓出深村
水至孤亭合山居列岫尊尚餘土堦意樵收踐籬藩

五月十七日游諸洞

來南百慮拙所得惟幽尋矧余玉雪友共此丘壑心
江亭俯虛曠穴室窮邃深是時薄雨收白霧籠青岑
棄筇逞野步却扇開風襟炎方豈必好差遠鞞鼓音
且願道海清莫問神州沈徘徊惜景短留滯畏老侵
昨遊感鶯啼今至聞蟬吟常恐官事繁佳日妨登臨
譬如逃學兒汲汲貪寸陰何因釋膠擾把臂借入林

泛西湖

桂湖亦在西豈減穎與杭丹橋抗崇榭淥波浮輕航
休沐陪勝踐軒蓋何輝煌停橈藕華中一目千紅裳
詎知白晝永但覺朱夏涼古洞半蕪廢仙人今在亡

踞石散醉髮吸澗澆吟腸延綠繚溪步詰曲經禪房
野鳥啼密竹高蟬嘒疎楊雖無絲管樂談論諧宮商
諸君敏于詩援筆如蜚翔顧子乏華藻山鷄追鸞凰
頗能讀古碑所恨侵夕陽明發復擾擾前游未可忘

題許介之詩草 益公稱其詩

我留為站外君性雁迴邊走僕行千里敲門授一編
真妍非粉黛至巧謝雕鐫何必周丞相男兒要自傳

慈氏閣 氏所建

閣建五季時丹碧晃曾蒙吾行半區中鉅麗莫與比
想方營綜時霸心極雄侈但思窮耳目寧論竭膏髓

一朝陵谷變飛電掃僭壘湘波日夜流不洗爭墓趾
惟存浮屠居願力久未毀夕陽吊陳迹危檻聊徙倚
遙憐下界熱高處涼如水若非逼巖鑰坐待鐘聲起

脩然亭

每到闌干畔徘徊暮始還為憐臨水寺盡見隔城山
墻繚青苔裏舟藏綠樹間松扉宜步月只是限重關

辰山

一峯疊三洞迺似弘景樓下洞初俯入蘚室寒聽颼
中洞忽躍出有迳通玄幽豁然崖谷判萬態誰鐫鏤
或如植寶幢或如垂珠旒或如鯢鯨飛或如龍麟游

石橋狀天台木棧疑蜀州稍想大士崑遂經羽人丘
力窮至上洞身載雲氣浮未單水山緣勉為塵世留
平生避地心茲焉宜菟裘長斧樵青壁短策耘綠疇
獨恨汲路遠溪澗皆背流會當逢異人卓錫成靈湫

千山觀

西巘林巒擅一城渺然飛觀入青冥子湖數字題村
華棟陽朔千山獻畫屏境勝小詩難寫盡天寒薄酒
易吹醒獨游不恨無人語滿壑松聲可細听

曾公崑

廣室內嵌空層峯外巍嵬仰視駭縣石俯踐愁滑苔

古甯風肅肅陰澗泉洄洄飛梁跨其間上可陳尊壘
爰涼復畏濕當暑重裘來名崑者誰歟兄固弟子開
憶昔建中初國論綏一迴惜也祖荆舒卒為清議排
至今出牧地姓字留蒼崖躊躇增歎慨日入禽聲哀

郊行

薄有西風意郊行得自娛山晴全體出樹老半身枯
林轉亭方見江侵路欲無何妨橋纜斷小艇故堪呼

秋日會遠華館呈胡仲威

嶺表豈必熱庚伏頻滂沱薄暮辱招要孟季參瓶荷
君侯如長松折節交藤蘿奇字識夏鼎古音彈雲和

今日素尚至高屋涼意多夜清群籟息已有蛩鳴莎
人生不飲酒賢愚同銷磨拍手問湘纍獨醒欲如何
謬承青眼顧詎惜蒼顏酤客散我亦歸耿耿看斜河

老大

老大重登聘士臺客懷牢落可曾開臨流往往看鳧
墮入暑時時見馬來有約青山何日去無根白髮是
誰我自嫌不帶功名骨只合眠莎與坐苔

伏波巖

懸壁萬仞餘江流澆其趾仰視不見天森秀拔地起
中洞既深豁旁竇皆奇詭惜哉題識多蒼玉半鏡毀

安得巨靈鑿永削崖谷耻緬懷兩伏波往事可追絕
銅柱成浪泊樓船下湟水時異非一朝地亦去萬里
山頭博德廟今為文淵矣謂予謂弗信君請討諸史

詰猫

古人養客乏車魚今汝何功客不如飯有溪鱗眠有
毯忍教鼠啣索頭書

八桂堂呈葉潛仲

金華丞
相之孫

之子初度日畏客如避仇朱門禁入謁青山招出游
置醴泉石間涼意生飀箐風檻絳華馥冰盆丹竇浮
起誦眉壽篇酌君介千秋煌煌丞相孫少也宜襲侯

黑頭去雲遠白髮來何稠君言權位成熟若志節修
靜觀鍾鼎族起滅猶輕濕祝君象韓呂不羨嬉與攸

挽聶孺人 平樂董令之內

已病猶蔬素西歸不復疑飛鳧踰嶺遠別鶴返鄉遲
歲史傳賢女中冓付侍姬白頭潘令在應有悼亡詩

題胡仲威文藁

熟讀執事文恍如入寶山瑰異千萬種一一無可刪
瑤草既俯拾珠樹亦仰攀羨玉不知數照映穹壤間
大者中主瓊小者堪珮環居然廊廟器胡為委荆菅
嗟余頗識寶對之清涕潛攜真部屋內虹氣驚市闌

常恐陽虎輩竊去亡繇還何當變姓名袖出函谷關

戴秀嵩 戴秀者兵卒也得道于此

茲巖視諸峯厥狀尤崢嶸舊為碧蘚封新有朱棧橫
縻腰尚恐墜束炬方可行外狹中乃寬始聞俄忽明
仰視神魄悸俯顧形骸輕遂覽丹爐基微聞玉鼓聲
源深足力盡路黑雲氣生不辨晝夜分恍疑世代更
嘗聞學神仙所得由專精豈吾諸名士羨彼一老兵
欣然約同志嗣此將尋盟安知無白鹿絕頂來相迎
寄左次韻魏

多謝齊安牧交情未闊疎方籌江北事肯寄海南書

開幕交鋒處修城劫火餘別來各添歲筋力近何如

二

同事征西府聞君已繡衣小侵今視昔大捷是耶非
酋長與尸返編裨奏凱歸六閔天樣險莫遣賊能飛

中秋湘南樓餞張昭州

臺使選良牧詔下帝曰俞高牙植華艦餞者來傾邪
明月滿麗譙寒光映尊壺柱人願少留昭人望疾驅
一室可為政况廼有國都嶺民日以耗丁口彊半無
洋洋紫雲詔侯其勒座隅道鄉游息處暇日搜榛蕪
鄙拙忝投分臨風獨躊躇頗念友離索寧論鬼椰榆

何繇扣鈴閣百榼傾兵厨郡酒絕佳

榕溪閣山谷南遷維舟榕下

榕聲竹影一溪風遷客曾來繫短篷我與竹君俱晚
出兩榕猶及識涪翁

哭譚戶錄

讀過書皆記非惟善屬文有名登進士無命作參軍
白髮行秋暑青衫殮瘴雲可憐膏火下虛費一生勤

二

曾次有千年囊中之一錢客來臨旅殯官為顧歸船
通德梳新髻童烏拾舊編傷心鄰巷裏廢宅鎖寒烟

風

風於天地間惟桂尤其雄將由岩竅多或是地形穹
不知起何處但覺來無窮浮埃晦白晝奇響激半空
一怒動自決小亦數日中城堞凜欲壓况此半畝宮
嘗聞古至人御氣猶輕鴻劉季晚可憐擊筑悲沛豐
我老斷恐怖眠身等枯蓬飄擲付大塊奚必分西東

觀射

浪箭束如林傍觀笑不禁蠻平無事久卒情可憂深
各自分牛鬻何曾貫虱心种侯青澗法能費幾黃金

荔支巖

洞内小石如
荔支者無數

異境閔神奇一誘通深阻呀然張蟾吻光恠腹中貯
始來尚覲面稍進但聆語迴頭失塵世未緼行里所
石房容十客石柱徑丈許眠焚若將吠墜菓疑可咀
平生聞化城今見玉樓櫓陟高既趨捷循狹或偃倮
忽逢路窮處淺浪隔洲渚心知仙聖居故到無飛羽
向非薪燭力徃返何異瞽重游僕未卜聊向詩中覩

再游栖霞洞

直路幽陰仄路明玉為墻壁雪為城殷勤報有詩翁
到萬一仙人肯出迎

佛子巖

環郭洞府多所患在卑濕斯巖獨虛敞他境未易及
穹如層屋構廣可百客集開竇送雲出掃壑延月入
穴居儻堪謀徑欲老樵汲絕顛尤玲瓏苔磴不計級
惜為僧所泥飛棟緣業炭佞佛墮癡想明鬼趨陋習
遂令登眺者欲往足若繫何當一燎空盡見萬仞立

劉仙巖

絕頂來尋煉藥蹤老仙端的是吾宗寄聲月白風清
夜定許相期第幾峰

龍隱洞

先賢評桂山推爾居第一豁然碧瑤戶夾以雙玉壁

中有無底淵黑浪常蕩滿諒當剖判初倍費造化力
雷噴斧山開龍怒裂石出至今絕頂上千丈留尾脊
寧論兒女子壯夫股為慄我來欲題名腕弱墨不食
摩挲秋李碑文字尚質簡令人未知貴後代始寶惜
湫流工駭舟久游覺蕭瑟巖屋寬如家迴權脚愒息

秋武襄公平蠻碑李
師中侍制宗頌在焉

吳梁運管伋丞相

憶共游山猶昨日奄驚白晝隔存亡宅深外不知何
病醫雜人爭試一方帛客傷心同漚酒愛姬收淚各
分香淳熙丞相潭潭府今日門庭冷似霜

琴潭

山形若覆奩潭面如拭鏡奇哉几紫物千古棄荒賈
了無板躋勞坐恆幽莖性泉源黑難窮崖色碧相映
闖深畏龍勢窺淺見魚泳可憐風水聲空山誰來聽
我欲買茲丘掃迹逃毘競未言葺苑齋先可理漁艇

清惠廟

來訪古詞宮迢迢過水東一條溪不斷數里竹方通
巫拜分餘昨商行禱順風粒樓空百尺半仆夕陽中

辰山道人

道人何為者寒暑一布衫髮白具老態口啞稀冗談

我陪小隊來猿鳥窺層嵐道人方掩戶燕坐彌陀龕
迎客不下山送客不出庵即之疑槁木面目寒峻巖
贈錢漠然謝有若投諸潭微言歲計熟收芋已滿籃
斯人來識字豈必曾遍參所立偶自高可做佞與貪

立山觀

宋之問別墅

來瞻石像看唐碑一徑蒼松映碧漪聞說宗公曾住
此寄聲過客細吟詩

榕溪隱者

榕溪有隱者幽事在溪曲治地可十畝方整如奕局
始行入荆扉漸進至茆屋樹之百盆蘭繚以萬竿竹

解衣憇素陰擁鼻來微靛主人間客來引避若駭鹿
却詢守舍兒云已出賣墨壁間見其像條褐巾一幅
安知非回仙寄跡混塵俗矢詩慕高風君歸僅肯讀

禊亭南軒所立

年年春草上亭基父老猶能說左司寂寞當時修禊
處一間老屋兩殘碑

自用臺字韵一首

脫了荷衣事將臺羈留又見嶺梅開詩因癸水辰山
作詔自雷州電縣來架上書從人借讀牆邊竹是俸
移栽小窻睡起無情味閑聽飢禽啄砌苔

蓼帶亭

上到青林杪凭闌盡桂州千峯環野立一水抱城流
沙際分漁艇烟中見寺樓不去垂去客更得幾迴游

程公巖

石室外甚狹中廣如毬場偉哉鉅麗居天造無棟梁
巖冬既深燠盛夏尤虛涼偶至不忍去杖履聊方羊
人能專此壑何必政事堂先須置禪龕次第營丹房
烟霞入几席塵土麾門墻學道縱未得着書亦可藏

吳林晉之判官

去歲衝寒赴辟時感君騎馬遠追隨一春不得梅花

信萬里空題難露詩小簡佩壺邀士友大鐺煮粥活
流移平生二事尤堪記應有名公與撰碑

鵲

久不聞烏鵲朝來噪不休殊鄉無喜事應為買歸舟

榕臺

拔地高崖如鐵色拂天老樹作寒聲他年記宿榕臺
夜便是南歸第一程

囊無金索貧如故鏡有絲生老奈何一事尚堪誇北
客來時詩少去時多

嚴閔新洞

羽客初尋見因于此葺廬未能平險峻先擬架空虛
磴落樵相引山名尉自書看來驛臨道未必有仙居

乳洞

千峯夢裏尚崔嵬不記青鞋走幾迴天恐錦囊猶欠
闕又添乳洞入詩來

發湘源驛寄府公

走本山中人感激趨燕臺謬辱弓旌招愧乏謀議陪
先生如春風盎然噓陳莢曉入開玉帳夕話扁鈴齋
下榻驚一府撰杖窮千崖豈曰君畜飯實惟子視回
歲晚謀北轅凄其難為懷欲言先荒結既決猶徘徊

是日戒行李送者皆鄒枚兵厨遺珍餉祖席羅寶釵
下令許卜夜寧畏街鼓催詰旦枉牙纛山亭陳金壘
都人如堵墻謂我何榮哉未聞從事去親致元戎來
繾綣談至夜霜月照露苔長跪抱馬足離緒馬能裁
麗譙落天杪悵望空倚梳昔人死知己骨朽名不埋
公有管樂姿愚非温石才他時僅後凋安敢忘栽培

鐔膏

史祿渠至
此分水

世傳靈渠自始皇南引灑江會湘楚水山憂赭石畏
鞭鑿崖通塹三百里篙師安知有史祿割牲沉幣祀
瀆鬼我舟閣淺懷若人要是天下奇男子只今渠廢

無人修嗟乎秦吏未易訾

書堂山

柳開守湘
讀書處

子厚文章宗仲達豈後身不肯作崑体寧來牧湘濱
誅茅翠麓顛日與書卷親剝去五季衰挽回六籍醇
歐尹相繼出孤唱錄伊人風流喟已遠尚喜棟宇新
澗泉既可汲山木亦可薪熟讀壁間藏痛掃毫端塵
千峯高叢叢一江碧粼粼禽魚豎草樹纖悉几案陳
勗哉山中友勿厭泉石貧

湘中口占

少年裘馬事清狂晚看梅花到瘴鄉一任海風吹面

黑免教人謗作何郎

二

船頭吹火盧仝婢馬後肩書類士奴安得世間名畫
手寫予出嶺泛湘圖

三

江邊金碧漫層層戶口稀疎塔廟增楚俗不知黃
老家家香火事湘僧

四

津吏沙邊立指呼放船出鎖要州符書生行李堪抽
點意苾明珠一例無

見方雲臺題壁

寄書迢遞夢參差每見留題慰所思不論驛亭僧寺
裏有山水處有君詩

土馬村

村墟薪濕米如金猶記來時臘雪深曾有小詩題歲
月店荒無壁可追尋

祁陽道中

昨過知岑寂重來况雪天人居雞枏裏路在鳥巢邊
草市開還閉茅山斷復連瀟江清似鏡悔不問歸船

愚溪

草聖木奴安在哉
荒榛無處認池臺
傷心惟有溪頭月
曾識儀曹半面來

二

青雲失脚謫零陵
十載溪邊意未平
溪不預人家國事
可能一例受愚名

浯溪

上置書堂下釣磯
漫郎陳迹尚依稀
無端一首黃詩在
長與江山起是非

二

形容唐事片言中
元子文猶有古風
莫管看碑人指

點寫碑人是太師公

石鼓

石鼓名天下
州庠盡不如
古祠猶漢舊
石刻半唐餘
翠巘供憑几
寒江照讀書
恨余非楚產
來借一房居

湖南江西道中

獨醒公子去
沉湘未識人間有
醉鄉酒與離騷難
捏合不如痛飲是
單方

二

賈生廢宅草芊芊
路出長沙一悵然
今日洛陽歸不
得
招魂今在楚江邊

三
少陵阻水詩難繼子厚遊山記絕工斷壁殘圭零落
錦新碑無數滿湘中

四
去年冬至投僧寺今歲陽生宿店家獨夜無人堪晤
語青燈相對結寒花

五
蠻府參軍髮髮蒼自調欵乃答漁郎從今詩律應超
脫新吸瀟湘入肺腸

六

丁男放犢草間嬉少婦看蠶不畫眉歲暮家家未絹
熟萍鄉風物似幽詩

七

每朝介甫行新法常恨歐公不讀書浩嘆諸劉今已
矣路傍喬木日凋疎

八

茫茫衰草莫雲平斗氣千年不復明惟有多情蓬上
月相隨客子過豐城

九

派裏人人有集開境師山谷與誠齋只饒白下騎驢

聖和學園短期大學
徳村先生全集
則硯堂

叟不敢勾牽入社來

十

上封已失嶽僧期
客問丹霞謝不知
懶到登山臨水處
始驚筋力減來時

曉鷄

絳幘昂然韻節清
不因風雪廢長鳴
初聞烟岫猶銜月
久聽山城漸殺更
驚起征夫茅店夢
喚回老將玉闕情
年來無復中宵舞
自笑功名一念輕

哭袁元量司直

築室西山下
孤標未易親
長閑如野鶴
偶出似祥麟

屬者陪髦士
嗟乎瘞玉人
北風吹老淚
空滴暮江濱

豫章

湖光如鏡了無塵
照見先生白髮新
歲晚騎驢行萬里
始知孺子是高人

二

交遊回首散如烟
重過洪州隔世然
手種垂楊皆合抱
朱顏安得似當年

還杜子楚詩卷

老眼昏花廢課程
小窓久矣斷書聲
夜來忽得君詩卷
自起挑燈讀到明

訪李公晦山居

烏洲在橋北我僕天路迂語僕爾何知彼有高士廬
問樵得處所林樾尤扶疎修竹僅萬箇古梅非一株
小圃植蔬菓復有沼可漁下馬式籬藩攝袂循庭除
不聞鷄犬聲茶烟起庖厨伊人道義富豈比山澤癯
蕭然蓬蒿中尚友泗與洙古來連雲第翁赫衆競趨
漸臺暨郿塢變滅纔須臾聖門不朽事迺屬陋巷儒
願君長保此是亦顏之徒

道傍梅花

風吹予片點征裘猶記相逢在嶺頭歲晚建州城外

見向人似欲訴離愁

戲書客舍

已去光陰挽不迴漸驚老態逼人來決河猶有方堪
塞脫髮應無術可裁北戍寶藏惟檄草南遊捆載是
詩材客愁何物禁當得聊向旗亭買一杯

懷安道中

閩溪瘴嶺客程賒曉泊懷安喜近家大屋書旗奪酒
米小舟鳴鶻競魚蝦溪移驛已臨高岸潮退帆多聚
淺沙快着征衫鞭瘦馬要看二十里梅花

哭澤孺方先生

弟子成名象先生獨命窮廣場雙髮禿陋巷一瓢空
鷄饌為親設牛衣與婦同嗟乎猶嗇壽神理竟難通

二

方訝書來少殊卿訃忽聞素幃無祭主破笥散遺文
已閉三間屋誰封四尺墳舊曾傳業者南北各離群

真隱寺

出郭斜陽已在山夜深來月到江干奴敲小店穿烏
戶僧借虛堂徑掛單駭浪急回因膽薄逆風小住為
心寬投床一枕瀟湘夢無奈霜鐘苦喚殘

道傍松一首

入關多古松夾道疎復密未曾識兵火既久蔽白雪
蠢茲游惰民深夜腰斧出斲根取脂肪竊負如鬼疾
譬如人則趾僵仆立可必供君一瞬光天彼千歲質
暴殄聖垂誠樵採官着律傲吏嗜雞豚熟視不訶詰
登高撫路遠巨幹日蕭瑟哀哉暑行人暍死誰汝恤

枕峰寺

夜深投寺解行裝一點寒燈照上方老宿問余何處去
年年來此借僧床

乍歸九首

官滿無南物飄然匹馬還惟應詩卷裏偷畫桂州山

二 兒童娛膝下 母子話燈前 却憶江湖上 家書動隔年

三 絕愛墻陰橘 花開滿院香 鄰人欺不在 稍覺北枝傷

四 北戍邊城下 南遊瘴海頭 不知天地內 何病可逃愁

五 乎若如天馬 軒昂不可羈 為貧踈飲客 因病出名姬

六 弛擔逢除夕 檀藥共擁爐 把如為客看 還得似家無

七 架書多散亂 信手偶拈開 正似前生讀 茫然記不來

八 手種梅無恙 蒼苔滿樹皴 可憐開較早 不待遠歸人

九 格力窮方進 功夫老始知 儘教人取 駁喚作嶺南詩

題坡公贈鄭介夫詩

玉座見圖歎 纍纍菜色民 如何崔白輩 只寫蔡奴真

二 向來與相國 投分自鍾山 不入翹材館 甘為老抱關

三
下吏語尤硬投荒身轉輕不然玉局老肯喚作先生

後村先生大全集卷第六

後村先生大全集卷第七

詩

蔡忠惠家觀墨蹟

維蔡郡之望過者必式閭嚴巖端明廳遺像猶肅如
頗聞手澤富倘許窺珍儲主人命發笥隼儿同卷舒
比顏倍秀麗眠柳加敷腴毫杭兩記在妙與蠟本殊
洛橋字尤佳其大徑尺餘班班名臣帖煌煌昭陵書
坐令承學士若覩慶厯初向來故家物聚散何忽諸
祭器抱他適玉軸棄路隅端明夢奠時磨門惟一孤
厥裔日以蕃廟院蜂房居寸紙惜如命不博明月珠

乃知儒澤遠浮榮無根株曷哉守視者中襲防蠹魚
昔方孚若主管雲臺子監衡嶽每歲瑞慶節常
聚廣化寺拈香癸未此日獨至寺中輒題一

絕

同作祠官荷聖朝年年相待放生橋精廬此日來無
伴稽首爐熏自祝堯

有感

策策秋聲起樹枝遙憐塞下雁來時寧聞中夜荒雞
舞肯捨他人竹馬騎短劍舊曾交俠客小詩猶足將
偏師無情恰是青銅鏡剛照書生兩鬢絲

挽水心先生

一夢孝皇初淒然四紀餘國人莫知我天下孰宗子
散地雖無柄名山儘有書烏虜傳萬世猶足矯元虛

二

所學如山海吁嗟不一施未聞訪箕子但見誅宣尼
空郡來陪哭無人敢撰碑紛紛門弟子若箇解稱師

林容州別墅

出郭五里強治地十畝寬竒峰面朝挹高阜背屈蟠
忽獻若神授久閱由天慳茲焉卜壽宮朱堊浮林端
使君世慮淡出嶺顏如丹靜思三窟危孰如一邱安

哭林山人

蔚松既森秀引泉亦甘寒願言奉巾屨暇日來盤桓
僵卧茅檐下怡然八十春竟無衾覆首惟有鐫隨身
購吊稀來客封崇託外親自言墳出貴後必產奇人

挽方孚若寺丞

使君神雋似龍麟行地飛空不可馴詩裏得朋卿與
我酒邊爭霸世無人寶釵去盡中年病珠履來疎晚
節貧昔共誅茅聽瀑處溪雲谷月亦悲辛

二

斯人詎意掩斯邱六合茫茫不可求射虎山中如昨

日騎鯨海上忽千秋帝方欲老長沙傳虜尚能言博
望侯回首瀨溪溪畔路跛驢無復從公遊

挽方武成二首左鈇

頗有翁標致唐衣折角巾雖疑頭小銳極愛腹精神
闊矣雲霄志悲哉露電身世間無妙質一慟惜斯人

二

牛角詩名出流傳海內誇師稱起予者翁問倩人耶
惜未參諸老猶堪擅一家從今崖瀑上誰共訪梅花

福州道山亭南豐作記

絕頂烟開霽色新萬家臺觀密如鱗城中楚楚銀袍

子來讀曾碑有幾人

建州

風緊雲高雪尚怪建州城北倚欄干林稍淡日紅如
綫應為梅花燠晚寒

起來

起來呵手檢衣篝燭影蛩聲伴小樓賴有夢中堪細
說錦牋寫不盡離愁

入浙

浦城南畔只輕陰入浙方驚雪許深梅鵲楓丹三百
里笑人短幅寫寒林

寄人

老攜詩卷入京華覓店先須近酒家白髮但能妨進
取未妨痛飲插梅花

壽昌

山路泥深雪未乾病身初怕浙西寒新年臺歷無人
寄且就邨翁壁上看

桐廬

桐廬道上雪花飛一客騎驢覓雪詩亦有扁舟蓑笠
興江行却怕子陵知

富陽

便着羊裘也不難山林未有一枝安富春耕種桐江
釣却羨先生別墅寬

記夢

父兄誨我鬢髮初老不成名鬢髮疎紙帳鐵檠風雪
夜夢中猶誦少時書

出都

客子來時臘雪飛出城忽已試單衣湖邊移店非無
意要共林逋話別歸

題硯

吾硯平生極自珍塗雲抹月發清新臨歸攜就西湖

洗不受東華一點塵

杜丞

憶冒重圍入孤城賴不亡戰功何日賞檄草至今藏
舊事歸詩卷新寒入箭創江邊逢杜杲鬢髮各蒼蒼

久客

久客長安市人情薄侶雲寧為絕交論不著送窮文
白髮長千丈黃金盡百斤故山春事動深恐廢耕耘

贈陳起

陳侯生長紛華地却以芸香自沐熏鍊句豈非林處
士鬻書莫是穆秦軍雨檐兀坐忘春去雪案清談至

夜分何日我開君閉肆扁舟同泛北山雲

贈翁卷

非止擅唐風尤於選體工有時千載事祇在一聯中
世自輕前輩天猶活此翁江湖不相見纔見又西東

路傍桃樹

為愛橋邊半樹斜解衣貰酒隔橋家唐人苦死無標
致只識玄都觀裏花

題壁

兒時挾彈長安市不信人間果有愁行徧江南江北
路始知愁會白人頭

馬上口占

陌上鞦韆索漸收金鞭賴逐少年遊晚風細落梨花
點飛上春衫揔是愁

挽李尚書

韓范止如此公乎事又艱不陪治城廟合殉定軍山
壘出千官賀弓藏一老閒凋戈提十萬猶記凱歌還

二

幕下多才雋于今盡策勳可憐狂處士曾揖大將軍
久成兒郎老新招部曲分此生甘寂寞有淚濕高墳

橋西

後村先生全集
昔飲橋西歲月多梨花深處侍郎過垂鞭欲訪蒲裙
約奈此蕭蕭鬢雪何

黃田人家別墅繚山種海棠為賦二絕

萬紅扶路笑相迎彷彿前身石曼卿若向花中論富
貴芙蓉城易海棠城

二

海棠妙處有誰知今在臘脂乍染時試問玉環堪比
否玉環猶自覺離披

郭熙山水障子

高為峯嵐下濤江極目森秀涵蒼涼始知着色未造

極一似醜女施鉛黃驚泉駭石聚幽怪巨楠穹柏蟠
老蒼鹿門寺華子岡是耶非耶遠莫詳疑聞鐘聲起
晝靄似有帆影來微茫陌窮渡絕雪滿坂驢鞍釣笠
分毫芒炎曦亭午試展翫坐覺烟雨生縑絹古來絕
藝必名士俗史辟易安敢當大年脂粉米老狂先朝
僅數燕侍郎吾聞汾陽子貴購父畫一筆不許它人
藏矮屏短軸已可寶况此四幅垂華堂嗚呼主人謹
護守神雷鬼電或取將

挽林夫人

方母

奉使年三十聲名滿四夷奇哉何物媪生此丈夫兒

墓竟同孫寔家猶有婦持向來稱壽地忍聽鼓簫悲

挽葉夫人 丞相女孫 孚若內子

年與藁砧齊來續自始筭典刑丞相子禮法大夫妻
恠鵬驚頻集離鸞忍隻棲傷心衾含等猶是嫁時齋

題洪使君詩卷 陳師復為序

刻於芹泮士爭披傳到茅廬我竊窺突過韋郎森戟
句高如柳惲采蘋詩日惟坐嘯熏沉水間亦搖毫品
荔枝况有太邱為小序遥知流布滿京師

關全驟雨圖

四山昏昏如潑墨行人對面不相覲凄乎太陰布肅

殺閭然混沌未開闢千丈竽空蟄龍起一聲破柱春
雷疾我疑人間瓠子決或是天上銀河溢異哉烟霏
變態中山川墟市明厯厯茅寮竹寺互掩映疎春殘
磬渺愁寂叟提魚出寒裂面童叱牛歸泥沒膝羊腸
峻坂去天尺驢飢僕瘦行安適林僧卸笠窘迴步海
商拋石憂形色縱覽鯢鵬信奇偉戲看鳧雁亦蕭瑟
乃知畫妙與天通模寫萬殊由寸筆大而海嶽既盡
包細如針粟皆可識向來關生何似人想見邱壑橫
胸臆嗚呼使移此手為文章豈不擅場稱巨擘

哭左次魏二首 暮

少日一編書中年丈二及乃知杜預智誰謂秋山愚
小試飛箱策方為進築圖到頭麟閣上終不著臞儒

二

甫痛何郎天邱明亦復然因思題墓上不若鬪樽前
劍馬為誰得琴書有女傳惟應千載下配食雪堂僊

君與何立可皆江淮同幕
相繼歿于齊安

寄永嘉王侍郎

珍重西清老書來訪薜蘿為邦應好在作佛竟如何
花押常倚少柑香靜坐多聞公鬚尚黑未害小婆婆

秋熱憶舊遊

憶昔浮江更涉淮早秋天氣最佳哉塞垣榆落蟬初
少澤國蘆疎雁已來風露入懷詩筆健關山滿目笛
聲哀南州九月猶締綌縱有清樽底處開

二

塞上秋光冷似冰當年豪舉氣憑陵打毬不用炎方
馬按獵初調異國鷹山寨淒涼聞戍鼓水村搖落見
漁燈而今病揭茅檐底追記猶堪洗鬱蒸

哭李景温架閣大有

挾策說荊州那知亦閣投漫拾温處士幾殺杜參謀
出幕有清議還鄉空白頭人間容不得下與阿翁遊

後村先生集

賦碩堂

建炎丞相其祖也

送鄭端州啓沃

想入漳潮境牙旗夾路紅帝方憂瘴俗君可惠清風
海有沉珠戶岩無斷硯工它年循吏傳要雜古人中

送方子約赴衢教符

博士非如吏巍然道自居諸生趨避席太守揖升車
朱筆濃披卷青燈細有書漢廷重文藻行矣台嚴徐

李園有懷孚若

曾與山公醉不歸李園水竹尚依依鈿車疾取春鶯
唱鐵笛潛驚宿鳥飛昔把蟹螯同酒琰今持馬策叩

城扉溪頭一片無情月偏照愁人淚滿衣

送方阜高赴衡州法椽

仕不論高下絲毫要及民君其守三尺古有活千人
嶽樹侵雲杪江蘿滿水濱楚芳飢可薦切莫嘆清貧

答教茂才器之子

太傅品胡兒樊川譽阿宜既為諸父賞馬用外人知
曉月家山夢秋風客舍詩桐城逢汝伯一為說相思

失猶

飼養年深情已馴攀牆上樹可曾嗔擊鮮偶羨鄰翁
富食淡因憐舊主貧蛙跳階庭殊得意羸行几案若

無人籬間薄荷堪謀醉何必區區慕細鱗

送張應斗還番禺

蕉荔漫山霧雨繁
乳鬚客子悔南轅
久留閩國誰堪話
却憶番禺可與言
豪傑雖窮留氣在
聖賢不死有書存
歸時洗換征衣了
揀箇深山緊閉門

為圃

屋邊廢地稍平治
裝點風光要自怡
愛敬古梅如宿士
護持新笋似嬰兒
花窠易買姑添價
亭子難營且築基
老矣四科無入處
旋鋤小圃學樊遲

二

衰病歸來占把茅
譬如僧葺退居寮
因存橘樹斜通徑
怕礙荷花小著橋
古有功名興釣築
今無物色到漁樵
可憐歲晚閒雙手
種罷蕪菁擷菊苗

送黃舒文赴欽教

壁

博士文中虎垂鬚
已定交雅宜對紅藥
胡乃涉黃茅
簿有先生饌全無
弟子嘲猶勝迂闊者
荷鋤墾荒郊

挽袁侍郎

華髮始遭逢
其如道不同
可曾留孟叟
俄已罷申公
諫草多傳出
經疑書解通
豈無南董尺
奮筆紀孤忠

二

遺誥兼新計同時至軍門龍髯先帝遠
鮒背幾公存方恨三旌晚俄驚一鑑昏
潏然閔世道不是哭私恩
教器之宅子落成

臞公卜築向東臯小憇江湖半世勞
遠屋樹陰供杖屨登樓山色發詩騷
客來賀厦杯行闊市寫拋梁帝價高
白虎漸臺何處在不如茹舍尚堅牢

答陳珍

寂寂少游從斯人未易逢清貧今仲子
疎雋小元龍君謹提詩筆吾常避箭鋒
勉旃鳴盛世切勿效寒蛩

挽表叔趙君任安撫二首

論忠
簡孫

丞相規恢策家庭已習聞寧論乘一障
真可即中軍玉塵無能對金錢有即分
心知伏波病多半為忠勤

二

叔在兵間日書常笑我孱初云機會易
晚嘆事功難寂寞即官省荒涼上將壇
遙憐會稽定新種短松寒池上榴花一本盛開

炎州氣序異十月榴始花是誰初植此
石罅抽根斜綠陰蔽明曦朱豔奪暮霞
始猶一二枝俄已千百葩染人不能就
畫史無以加洛陽擅牡丹久矣埋胡沙
蜀州誇海棠邈然隔夔巴安知薜壁間
亦有尤物耶

後村先生大全集 卷七 賜硯堂
坐令農圃家化為金張家詩人好模擬凍蘂并寒槎
斯篇倘令見無乃譏吾奢

蘇李泣別圖

方子若故物
近為人取去

風雲慘悽草樹枯死笳鳴馬嘶弦驚鶻起熟看境色
非人間祁連山下想如此手持尊酒別故人此生再
面真無因胡兒漢兒俱動色路傍觀者為悲辛歸來
暗灑茂陵淚子孟少叔方用事白頭屬國冷如冰空
使穹廬嘆忠義茫茫事往賴書存每愁歲久縑素昏
卽今畫亦落人手古意淒涼誰復論

芙蓉

湖上秋風起權歌萬株映柳更依荷老來不作繁華
夢一樹池邊已覺多

二

池上秋開一兩叢未妨冷淡伴詩翁而今縱有看花
意不愛深紅愛淺紅

鄒甫田見傳葵書應傳

今君葵說其傳遠一字真堪直一縑惜似辨才藏楔
帖愛如房相筆楞嚴略疏脫誤煩重校盡叩精微恐
不廉欲卜寢邱何處是憑高試為指東崦

挽鄭叅議浦

同榜翻騰盡君初拜小侯地寒推易去天遠借難留
新壠家山畔生祠嶺海頭歷官如杜老白首止叅謀

同鄭君瑞出瀨溪即事十首方字若新

汗血名駒白玉鞭本初父子喜華鮮只今無復狂遊
侶自卸驢鞍古店前

二

妓有香分客有魚主君頭白總因渠枯楊此日悲風
起寂寞無人哭墓廬

三

元凱平生以智推今看往事一何癡山頭螭首猶蕪

沒那有人看水底碑

四

昔結精廬在半崖苔扉無主闔還開近聞有虎為看
守應是防閑俗子來

五

豪士寧淪鬼趣中曼卿昔去管芙蓉君今定作梅花
主來往山間倘一逢

六

藁裡而掩古無譏何必封崇揭禍機到得珠襦金枕
出始知羸葬不為非

七
古於生死驗交情何況臺歌沿漸平不是劉君同鄭
老苔深草合斷人行

八
鐵馬防秋記昔曾晚涂消縮似寒蠅同時校尉俱封
拜誰伴將軍獵霸陵

九
北耗而今杳不知路傍羽檄走無時自憐滿鏡星星
髮羞見官中募士旗

十

老奴昔逐我西東捷似猿猴跳絕峯今日道旁扶一
拐汝公安得不龍鍾

教茂才論詩

詩道不勝玄難於問性天莫求鄰媪誦姑付後儒箋
至質翻如俚尤癯始似仙吾非肝肺異先得子同然
鏢諫圖

謹言直觸大軍于賴有關氏上諫書若把漢唐宮苑
比玉環飛燕縱輸渠

哭劉連江世鈞

晚唐才調晉風期一片胸襟頗涉奇每過鄰家因貫

後村先生大全集
酒偶添別墅為贏棋議郎秩淺無超拜令尹官清有
去思種得花成身不見江邊父老至今悲

明皇按樂圖

鶯囀花開春晝遲掖庭無事方邀嬉廣平策免曲江
去十郎談笑居台司屏間無逸不復覩教雞能鬪馬
能舞戲呼寧哥吹玉笛催喚花奴打羯鼓南倚羣臣
朝見疎老伶巨璫前後趨阿瞞半醉倚玉座袖有曲
譜無諫書金盆皇孫真龍種浴罷六宮競圍擁惜哉
儂有錦綉兒蹴破咸秦跳河隴古來治亂本無常東
封未了西幸忙輦邊貴人亦何罪禍胎似在偃月堂

今人不識前朝事但見斷繚裝束異豈知當日亂離
人說着開元總垂淚

哭李公晦二首

沒於辰州

不會天公意令君死五谿少曾遊洛下晚乃相膠西
白首尊師說丹心對御題悲乎成底事路遠客魂迷

二

洲邊三畝宅有竹有梅花豈不堪名世何如勿起家
身纔着朱綬州謾出丹砂渺渺重湖外悲風咽暮笳

送鄒莆田

日日焚香出天知令尹心租符環境少花判入人深

發路惟詩卷 家亦俸金極為鄉井惜不是愴分襟

即事

買得荒郊五畝餘旋營花木置琴書柳能樊圃猶須
種蘭縱當門亦不鋤無力改墻姑覆草多方存井要
澆蔬區區才志聊如此誰謂先生廣且疎

二

目為詩客不勝慚喚作園翁定自堪抱瓮荷鋤非鄙
事栽花移竹似清談野人只識羨芹美相國安知食
笋甘富鄭公事晚覺齊民書最要惜無幽士肯同參

三

墻角新開白版扉時尋樵牧弄煙霏代耕豈若收躬
稼賜帛何如出自機湖海浪遊今已倦山林獨往未
全非百年只願身強健長為慈親負米歸

四

待鑿新池引一灣更規高阜啟三間縮墻恐犯鄰家
地減樹圖看屋後山身隱免貽千載笑書成猶要十
年間門前驀有相尋者但說翁今怕往還

梅花

髣髴瑤姬擁仗來茆檐化作玉樓臺平明遶砌圓殘
夢元是梅花數樹開

二
慘地紛紛着樹稀
歲華搖落慘將歸
世間尤物難調護
寒怕開遲暖怕飛

三
籬邊屋角立多時
試為騷人拾棄遺
不信西湖高士死
梅花寂寞便無詩

四
肯因冷淡怨年芳
霜滿寒林月滿塘
至白世間惟玉雪
不如伊處為無香

五

夜來幾陣隔窻風
便恐明朝已掃空
點在青苔真可惜
不如吹入酒杯中

送邢仙遊興祖

彼美邢侯者
逢人滿口夸
有恩霑小戶
無勢撓公家
拔盡民間薤
栽添境內花
吾詩采清論
一字不曾加
夜登甘露山

小家三兩戶
荒巘萬千重
有月犬時吠
無人水自春

二

月落宿禽起
幽人殊未回
不知何處磬
迢遞過山來

書事

竭海夷山氣力雄只愁無術駐顏紅却須摩劃千餘
歲多買丹砂置女僮

章子厚云人生豈不能摩劃得二三百歲

二

因治陶朱術太精世間無物足經營更將郭璞書頻
看只恐青山盡鑿平

後村先生大全集卷之七

後村先生大全集卷第八

詩

送權郡詹通判

鎮靜一如無頌條甫月餘來惟居傳舍去不識兵厨
健判風生筆精祈雨灑車丈夫何必假行矣兩輪朱
再題鍾賢良詠歸室

伏羲以來凡幾年六經之外凡幾書人間簡冊渺煙
海君以約法包無餘往年華鼓陷敝廬舌端雪卷俄
電舒平欺賈董等下駟冷笑服鄭貢蠹魚千詢萬叩
答如響捫腹始愧吾空虛伯高辟易季度走六論三

策何時攄又言諸子皆丈夫經筵武庫隨所須觀君
毛骨老猶爾惜也未見雛與駒方今主相求極諫君
曷不携軾轍俱自云素鄙從橫學尚友洙泗談古詞
堂堂冕輅豈不好却慕點也寧非迂行當端委秉周
禮未可春服從魯僂

送洪使君

雖擁朱幡肯清臞兩髻霜判花人競誦詩草士深藏
農飽因蠲賦州貧因救荒公歸無媿面應可見嚴光
送陳魯叟使君赴廣西漕

闔郡留無計匆匆奪父師使君三月政遺老百年思

遠宦生華髮輕裝載舊碑海山應有恨未得謝公詩

二

韓杜曾游處君行得細尋那知瘴煙裏忽有福星臨
渴海求珠蚌搜山採翠禽定將冰與檠一洗濁夫心

永嘉黃九萬見訪

避暑惟高卧柴門閉不通子來佩明月予起濯清風
有墅猶當贈無城可得攻靈舒如見問今作灌園翁

別宋斌文叔

天下書無數君專治四書因留精舍久遂向舉場踈
山路挑包去秋風罷講餘故園荒草合似欠一番鋤

熊主簿示梅花十絕詩至梅花已過因觀海棠

輒次其韻

萬藥千葩染似紅
停杯無語恨東風
薄寒且為花愁
惱何況開時值雨中

二

紅點霏霏似撒沙
荒園幻作五侯家
自憐改盡青青
鬢無力栽花且看花

三

幾樹繁紅映碧灣
羅浮山下見芳顏
分明消得黃金
屋却墮荒蹊野徑開

四

顛風狂雨阻追攀
欲問春留數日間
過眼紅雲成白
雪到晴祇恐沒花看

五

梅太酸寒蘭太清
海棠方可入丹青
趙昌骨朽徐熙
死誰寫春風上錦屏

六

特以穠纖壓衆芳
癡人癡殺恨無香
問渠嫵媚房櫳
裏何似莊嚴几案傍

七

共倒殘尊過日西重來花事想參差建陽主簿今才子
馬可無死補杜詩

八

歸騎何須抵死催且拈落藥藉蒼苔平生酷喜坡長
句筆力今誰可奪胎

九

暮雨廉纖似入梅一春花月欠攀陪草生後圃深三
尺也道身為縣令來

十

海棠洞下醉忘歸歲月如馳不可追想得千株今合

抱此生未卜再遊時

再和十首

色深乍擣守宮紅片細俄隨蚊虻風到得離披無意
緒精神 在半閒中

二

薔薇難比況金沙一種風標富貴家我有公評君記
取惜花須惜海棠花

三

千枝絡雪照滄灣應笑劉郎帶老顏尚有少年情味
在戲搜綺語續花間

四
鳳州宮柳昔曾攀亦醉宮花芍藥間獨有海棠心未
足每逢多處必來看

五
劉園水竹絕幽清花徑繁紅蘚砌青何處貴游閒步
障誰家生色畫深屏

六
徙倚溪亭惜墜芳恨無異域返魂香殘枝併恐風吹
去插在金瓶置坐傍

七

忽憶聯鞍過水西重尋前約未參差祇愁人議風流
罪屢出看花數賦詩

八

淡賞無煩羯鼓催解鞍便可坐莓苔莫將花與揚妃
比能與三郎作禍胎

九

旋挑野菜拾青梅又向花邊得暫陪各選一枝簪白
髮明年知與阿誰來

十

君憶東湖不久歸我思陳跡恍難追殷勤為報鶯花

說止有詩情似舊時

水心先生為趙振文作馬塋歌次韻一首

洛陽牡丹隔萬里棘荒姚魏扶不起馬塋近在杭州
陌野人只向詩中識白朱傅粉初窺墻海棠為屋卒
夷房干林春色已呈露一株國艷猶悶藏多情荀令
香透袖後遊恐落都人後搖鞭深入紅雲卿解衣旋
貫黃騰酒淮南芍藥初過兵人生何必塞上行墜袖
委壤各有命肯學凍士鳴不平移家欲傍園翁住手
開蕪地通蘋者尋芳栩栩趁蝶飛逐臭紛紛憐蚋聚
君不見玄都吟筆妙燕許詩成却遣世人怒君若擊

舟獨往時我亦荷鋤相隨去

贈高九萬并寄孫季蕃

諸人凋落盡高叟亦中年行世有千首買山無一錢
紫髯長拂地白眼冷看天古道微如綫吾儕各勉旃

二

菊磴說花翁飄蓬向浙中無書上皇帝有句惱天公
世事年年異詩人箇箇窮築臺并下榻今豈乏英雄

題何秀才詩禪方丈

景建談之子詩禪丈室寬能將鉛槧事止作葛藤看
壞衲蒙頭易元機得髓難何因清夜話分我一蒲團

挽邵武洪倅

不識監州面聞名似舊知空餘商榷恨竟失合并時
昔作大蘇客今觀小謝詩西風丹旆過一為士林悲
挽夔潭王中甫
羽書堆裏挾遺編往古來今盡粲然白髮晚持川口
節丹旌暑下峽門船生前多半遊榆塞身後方纔領
木天老去一雙懷舊淚誰知滴向建溪邊

二

半瓢丹藥一印枝萬里西來撫事悲緩着藏中公事
定劍鳴匣內我年衰可憐檄筆今零落尚記綸巾共

指麾身在滄州搔白首斷腸吟就八哀詩

挽葉潛仲運幹

雖出白貂蟬清貧雪滿顛若無槐簡後一似布衣然
讀久遺編絕藏深拱壁全悲乎如此士不貴又無年

二

俱入平蠻幕同登出嶺舟交情傾蓋盡世事闔棺休
客致生芻去家惟斷藁留遙知風雨夜愁絕老叅謀

送熊主簿

邑事多商榷惟未暇論母慈催扇枕父老謾攀轅
新戍謀何地初程宿某邨西風有來雁書札倘相存

送徐夏叔

昔與長君親，今方識少君。極知皆造理，何止並能文。
讀照湘中雪，吟開嶽頂雲。老余才思竭，搔首念離群。
和荅北山

挽樓陽叔

白首臨凋瘵，蓬茲似舊時。僅持一麾止，安用五車為。
庫有留州賦，家無葬地資。空餘清儉字，長使郡人思。

二

平生所歷最崎嶇，不覺周南歲月深。拙宦元無金潤屋，悼亡新有雪盈簪。淒淒德曜齊眉按，草草黔婁覆首衾。曾忝郡民漸教化，眼看雙旆一沾襟。

勞農

江浙膏腴動渺然，惟閩硯薄少平川。可憐老子扶凋邑，絕似吾民墾瘠田。稍喜一犁翻宿雨，聊為三爵禮高年。太平主相調元氣，春在桑畦麥壟邊。

二

畫檐一夜雨飄蕭，際曉陰霾掃碧霄。有日漸看旗脚

展無風初覺鼓聲調紛紛竭作趨南畝稍稍新妝出
北橋白髮長官塵土煞尚能覓句補風謠

答惠州曾使君韻

聞說使君風度峻神仙謫墮在人間只今坐嘯凝香
處帝賜羅浮作鎮山

二

先賢平易以觀詩不曉尖新與崛竒若似後儒穿鑿
說古人字字總堪疑

送李叅議滕告院掛冠

由來恬退士史冊亦稀疎唐有楊少尹漢惟疏大夫

翁能辭祿去我欲殺青書今世無名筆誰為寫作圖

挽建昌唐使君二首又民

南渡釣樞後宣和節義門依然寡人子不似貴公孫
苦李無誰採甘棠在處存遥知宦遊地巷哭更招魂

二

稍喜佩銅魚迢迢四紀餘早無人料理晚有鬼揶揄
把酒言猶在凝香夢竟虛斯人竟如此忍生太清矐

和葉尚書解印二首

郡人不識疾呼聲甘雨和風徧一城歲久偏多遺愛
事天高未察借留情舟行精舍漁歌晚家近華亭鶴

嘆清莫比歸雲并倦翼先生此念素來輕

二

倦入承明聽履聲朱轡今復厭專城盪胸太華供吟
興照眼伊川洗宦情純膾何慙高士沒琴龜不減昔
賢清未應便算東山墅出處方闕世重輕

送葉尚書奉祠二首

先生清夢繞林泉黃紙除書拜地仙報答吾君吾相
子倘祥棗水某邱邊事先白傅求閒後銜似溫公約
史年溫公領崇福祠十五年笑向故山猿鶴說古來晚節幾人
全

二

身於七邑最孤寒每辱黃堂刮眼看乍可郡無九年
著要令民受一分寬公閑去伴种司諫我懶思尋靖
長官曾出龍門稱弟子感知惟有寸心丹

挽盧母黃太孺人少逸之妻

太孺賢聲衆論推府君經學里人師牛衣隱約能借
老螢火淒涼自課兒疇昔黃齋曾百廢只今丹桂已
雙枝烏序盧母哀榮甚何必人題墓上碑

寄熊主簿

一出懸知計已非更堪留滯未成歸即今白首負松

菊何處青山無蔽蔽不恨老從中歲至但悲事與素
心遣當齋寂寞生秋草幾度臨風憶杜微齋簿廳有當取會計

當之義朱
文公書局

寄徐夏叔

曾識徐卿二子奇秋來往往夢瓊枝明時莫作沈湘
賦暇日應題望嶽詩主愛客卿寧忍舍兄嗟予季若
為思湖南歲歲多迴雁頻寄書歸慰別離

贈趙鑿立之

世鑿多孟浪趙子獨傳精術穩常無誤能高素有名
方書真爛熟裘馬極鮮明自笑貧兼病將何贈宋清

與北山陳龍圖

小兒膽大說文章螢火難爭兩曜光侍講先生今寂
寂龍圖老子尚堂堂鄰無羊仲并求仲家有元方與
季方想見瘦梅疎竹下深衣如雪鬢鬚蒼

答陳龍圖

耆舊凋零盡吾猶及太五豈云清易挹自是廣難周
尚綱煩翁教書紳到老休何由陪几杖共看海山秋

和趙吉州三首

學者當窮理工詩豈羨名不能禪採訪徒自取譏評
責已希韋孟休官慕尚平如今成病鶴重首噤無聲

二

憔悴東陽令區區謾自疲
斷無問牛智寧受放魚欺
儉陋交游笑低平父老知
向來子元子髣髴是吾師

三

今代廬陵牧蒼生屬意深
胸中絲補袞肘後藥成金
僕自操齊瑟公宜和舜琴
篝燈精舍裏何日共論心

挽傅諫議三首

昔事先皇帝堂堂立玉墀
進懷伏蒲疏退誦考槃詩
哀郢遺言切憂周素髮垂
它年耆舊傳此筆屬諸誰

二

今上龍飛始先生驛名頻
頗聞曾草疏終不就蒲輪
勘破邯鄲夢抽回洛社身
也今千載下知世有全人

三

憶昔南山寺微言叩未終
晚猶溫薦語病尚寄書筒
駿廢誰收我墓陵合殉公
春風溪上泪還與海潮東

寄二徐

珍重渠家大小君分明二陸
是前身遙知洛下傾城
看錦樣文章玉樣人

答留通判元崇

不見龍驤與驥馳紛紛蟲篆
聞蛛絲君侯傑出南方

後村先生全集
者老僕終當北面之憶玉樹枝勞遠夢熏薔薇水讀
來詩自慙眼力非闕令紫氣浮空惜不知

以王家酒寄陳北山得二絕句酒味不如舊

日之勁峭用韻二首

先生詩酒令俱嚴一婦哇黃與市帘戶大才高今吏
部故應笑小更嫌甜

二

醇醪易入醉人鄉勁酒難逢醒者嘗王媪區區真小
點隨時增損甕中方

和北山一首

幅巾高蹈挹洪崖閑灑銀鈎著玉杯文律不論先漢
後詩源遠自國風來却愁小子方攻丹未必吾師肯
鑄回極欲去修床下拜扁舟歸夢繞南臺

送建安鄭尉

路人能說尉一似建溪清寸錦不携去束書相伴行
無心干舉將有面見賢兄應笑東陽令淹留白髮生

答范叔範

潤矣別離久颯馬顏髮蒼殷勤大范子問訊老劉郎
渴睡添新懶清談減昔狂今無望氣者寶劍且深藏

送楊休文

寂寞鰥翁捨縣齋
吏傳刺字睡驚回
自從黃鶴仙人去
誰遣青牛道士來
適夢羽人良有以
共吟石鼎愧無才
殷勤問訊西山老
何日山中伴訪梅

答羅天驥

乃祖曾吞鳳
郎君豈後身
頗聞精選理
何必慕唐人
玉塵王夷甫
烏絛呂洞賓
客談溪墅勝
終擬卜比鄰
太守林太博
贈瑞香花

一樹婆娑整復斜
使君輟贈到田家
自慚瓿牖繩樞子
不稱香囊錦傘花
小借煖風為破萼
旋澆新水待抽芽
丁寧童子勤封植
留與甘棠一樣誇

再和

壞徑泥深古檻斜
居然幻作貴遊家
小亭自課童鋤草
空室俄驚女散花
便覺麝裳無遠韻
頻挑蟻蠹有新芽
紫薇蔽紅藥
催公去獨許詩留野老誇

三和

吏散庭空戟影斜
吟牋飛到野人家
隋珠和璧難酬價
禪榻茶甌忒負花
譜欠名人為品藻
詩因尤物始萌芽
近公匹似熏班馬
荀令風流未足誇

四和

吟諷攀翻到月斜
衆驚奇寶聚貧家
高才盍視宮中

草退士聊看屋角花未必園丁諳樹性更愁墨客笑
薑芽畫堂金鼎熏蘭麝豈有天然韻可誇

五和

幾點朝來小雨斜未應造物妒山家陡驚春報千秋
信擬問天留數日花寫物祇今須老筆染根何處有
靈芽彩雲過眼真如夢著意追摹豈好誇

六和

拙筆蕪詞字半斜情知見笑大方家故教吉甫獨哦
句除却微之誰別花勾引親朋須果核隄防風日損
根芽玉津應制需公等林下樵歌敢自誇

七和

短牋小草墨痕斜句法來從和靖家吟賞豈無神助
筆護持疑有物司花莫因山鳥啼榕樹便憶河豚飽
荻芽多少邦人沾賸馥願碑遺愛永傳誇

和趙南塘離支五絕

側生海畔遠難將風日尤能變色紫借問驛馳丞相
府何如輦致道山堂

二

却貢無因送上天漫山如錦但堪憐羅浮所產真奴
隸只為曾逢玉局僊

三

十顆千錢品最珍北人鮑背未濡唇若生京洛豪華
土買斷丹林肯算給敝玉盛時
題值百錢

四

輦轂嘗新着價高土人棄擲等弁髦不嗔園客工偷
竊絕喜天公享老饕

五

風韻能令百果低難將虛橘鬪新奇品題自合還詩
祖模寫何須覓畫師

築城行

萬夫喧喧不停杵杵聲丁丁驚后土徧邨開田起窰
竈望青斫木作樓櫓天寒日短工役急白棒訶青如
風雨漢家丞相方憂邊築城功高除美官舊時曠野
無城處而今烽火列屯戍君不見高城齧齧如魚鱗
城中蕭疎空無人

開壕行

前人築城官已高後人下車來開壕畫圖先至中書
省諸公聚看稱賢勞壕深數丈周十里役兵大半化
為鬼傳聞又起旁縣夫鑿教四面皆成水何時此地
不為邊使我地脈重相連

運糧行

極邊官軍守戰場次遣了壯皆運糧縣符旁午催調
發大車小車聲軋軋霜寒晷短路又滑擔夫肩穿牛
蹠脫嗚呼漢軍何日屯渭濱營中子弟皆耕人

苦寒行

十月邊頭風色惡官軍身上衣裘薄押衣勅使來不
來夜長甲冷睡難着長安城中多熟官朱門日高未
啓關重重幃箔施屏山中酒不知屏外寒

國殤行

官軍半夜血戰來平明軍中收遺骸埋時先剝身上

甲標成叢塚高崔巍姓名空掛陣亡籍家寒無俸孤
無澤烏虜諸將官日穹豈知萬鬼號陰風

軍中樂

行營面面設刁斗帳門深深萬人守將軍貴重不據
鞍夜夜發兵防隘口自言虜畏不敢犯射麋捕鹿來
行酒更闌酒醒山月落綵繡百段支女樂誰知營中
血戰人無錢得合金瘡藥

寄衣曲

征夫去時衣紵葛征夫未回天雨雪夜呵刀尺製寒
衣兒小却倩人封題上有泪痕不教洗征夫見時認

針指殷勤著向邊城裏莫遣寒風吹
賸理江南江北一水間古人萬里戍玉關

大梁老人行

大梁宮中設壇屋大梁少年胡結束少年嘻笑老人
悲尚記二帝蒙塵時烏虜國君之讎通百世無人按
劍決大議何當偏師縛頡利一驢馱載送都市

朝陵行

國家諸陵陷河北盜發寶衣各陵木或言陵下徃來
人夜聞翁仲草間哭何年却遣朝陵官含桃璀璨登
金盤悲哉人家墳墓各有主誰修永昌一杯土

破陣曲

黃旗一片邊頭回兩河百郡送款來至尊御殿受捷
奏六軍張凱聲如雷元戎劍履雲臺上麾下偏裨皆
將相腐儒筆力尚跌宕燕山之銘高十丈

邨居書事

有客相逢說坎離胡盧中華不容窺叩頭無力營丹
竈聊奉先生一醉資

二

新剝闍梨頂尚青滿邨看說法華經安知世有彌天
釋萬袖如雲座下聽

三

卜叟囊書繫肘邊兒童尊信等神仙立談算盡平生
事問到封侯拜相年

四

刮膜神方直萬金國鑿曾費一生心可憐鬢髮提籃
者也有盲人問點針

後村先生大金集卷之八

第 35407 号


平成 3. 11. 22

聖和學
園短大
図書館

928

コ

2



秀

